



BERTSOLA

Imp. Macazaga

220

1.º Urtea Redacción
Viteri, 32—Rentería

1932'ko Epailla'ren 15'an

Admin
Viteri, 32

Sagardua degu ardua baño zarrago

DOÑUA: Limosnatxo bat eskatzen dizut.....

1

Danok dakigu nola kondairak
erakusten digun ala
ardua intzun gizona Noe
lenengo izandu zala;
bañan uste det gaurre oraindik
asko egongo gerala
noiztik datorren sagarduaren
aurrena eztaiyala;
eta Adan'ek asarre aldi
batian sortuba dala.

2

Erakutsiyaz demoniñua
sube bateren antzera
jakifik gaude nola eroizan
Adan pekatu beltzera,
Paraisoko bizi ederra
ekarri zuen galizera;
nolaz sortu zan lendabiziko
txotx berriyen azaltzera
asko tokita eman liteke
bertsuetan zabalizera.

3

Egun batian zebillen Adan
bere emaziarekin,
buruba makur ixillik eta
nai gabe aundiyarekin,
gogoraturik len galdutako
zori ontasun arrekin,
ta nunbatetan suaitz artian
margo ori ederrakin
bat ikusten dun sagarrarena
ale ugariyarekin.

4

Suaitza ura ikusi eta
Adan dardarka jarri zan,
ikararuta bertan miñ inda
erori biar zun gisan,
bi eskubakin burubai elduz
geldirik egon ezintzan,
noize baitere errendituba
auspez lurrian etzin zan,
naigabe ori pasa ondoren
gero negarrez asi zan.

5

Arriturikan emazte Ebak
esan ziyon senarrari:
—Miñ aundiyenbat alitzeukan negar
eiteko orren ugari?
Erantzun ziyon:—Ez alizerade
oraindik kontun erori?
¿Ez dezu ikusten aurreko suaitz
madarikatuba ori,
betiko galduazi diguna
Paraisua biyori?

6

Ori aditu bezin aguro
buruba egin zun jira,
alaxoxeko bizitasunez
ark esandako tokira,
eta Adan'i galdetu ziyon,
ezin aspertuz begira:
—Oyek dirade sagar ederrak
ezer ederrik badira,
bat berenikan proatutzeko
utzi zaidazu sik ira.

7

Ori entzunik altxa ta juntzan
asarre sutzu betian,
sagar zuaitza ori zeguan
tokira salto batian,
gora iyota astindu zuban
sartuta adar tartian,
etzan gelditu ale guziyak
lurrera bota artian,
itxuraz ifion geyo sagarrik
izango etzan usian.

8

Sagarra oyek erori ala
jiraka aldapa bera
danak pill inda gelditu ziran
sartuta zulo batera,
emazte Eba jun ezzediyen
bere ixillik jatera,
jatxi zan arri aundiyenakin
aik zanpatuta ustera
zeuden guziyak txetu artian
etzan andikan atera.

BERRIDI'tar ANTONIYO'k jarriyak

9

Ori pasata gero andikan
egun batzuben buruban,
jatenan billa zebillzan biyak
oitura zuten moduban,
gosia eta egarriyakin
auldurik asko orduban,
egon aldi bat gerta zitayen
zuluba aren onduban
lengo asarre eta nekiak
nunbait etzauzkan goguban.

10

Egarriyakin ezin egonik
Eba jarri zan zutikan,
eta asi zan inguru artan
billatzen zuan urikan;
andikan laxter ikusi zuben
nola zulo bateikan
ixuritzen zan likurt garbi bat
txirriyan belar petikan,
eta Adan'i ots egin ziyon
pozakin zoraturikan.

11

Adan'ek arriz zanpatutako
sagarren zumu gorriya,
eguzkiyaren indarrak zegon
irakiñikan jarriya,
ezinda geyo andik eranez
kendu zuten egarriya,
esanez:—Etzan izan kaltetan
gure asarre aldiya.
Orra noletan Adan'ek intzun
lenbiziko txotx berriya.

12

Euskal-erriyan ezta erairik
ori dan baño nayago,
eta ezta izaten danik
ifione ugariyago;
orain jakifik egongo gera
ez geakinak lenago,
batere keskik jarri betanik
garbi ikusiya dago,
nun sagardua arkitzen dala
ardua baño zarrago.